



Pou Piblikasyon Imedya: 07/03/2020

GOUVÈNÈ ANDREW M. CUOMO

## NAN KONTRANDI SOU NOUVO CORONAVIRUS LA, GOUVÈNÈ CUOMO DEKLARE ETA DIJANS POU KONTNI PWOPAGASYON VIRIS LA

*Gouvènè a konfime 32 ka adisyonèl - Ki bay yon total 76 nan eta a*

*Mande pou fè envestigasyon sou abi nan pri ilegal yo ki lye ak epidemi an -  
Konsomatè yo ka rapòte abi yo sispek yo lè yo rele 1-800-697-1220*

Pandan yon kontrandi sou novo coronavirus la, Gouvènè Andrew M. Cuomo [te deklare yon eta dijans](#) jodi a pou ede New York kontni pwopagasyon viris la yon fason pi rapid ak pi efikas. Gouvènè a te konfime tou 32 ka adisyonèl, ki ba yon total 76 nan eta a.

Anplis de sa, Gouvènè a te mande Divizyon Pwoteksyon Konsomatè (Consumer Protection Division, CPD) Depatman Eta (Department of State) New York la pou lanse yon envestigasyon sou rapò ogmantasyon enjis pri pwodui konsomasyon yo tankou founiti netwayaj nan kay ak dezenfektan pou men nan mitan epidemi novo coronavirus la epi te lanse yon liy asistans gratis - 1-800-697-1220 - pou Nouyòkè yo rapòte abi nan pri yo sispek.

"Pandan n ap kontinye bay mizajou esansyèl ak ankouraje moun yo aji sou reyalite coronavirus la olye de tout medyatizasyon sa yo, mwen te ofisyèlman fè yon deklarasyon dijans ki ba nou kèk pouvwa pou ede depatman sante lokal ki estrese anpil yo", **Gouvènè Cuomo te deklare**. "Pandan depatman sante lokal yo kontinye siveye moun yo ak mete yo an karantèn, nou gen yon pwotokòl acha ki pi akselere pou ba yo tout zouti yo bezwen pou kontni pwopagasyon viris la. Pandan tan sa, n ap konbat abi nan pri a ki kontinye se yon pwoblèm epi mwen vle biznis yo konsyan ke yo ka pèdi lisans yo akòz nou serye anpil sou sa".

[Deklarasyon eta dijans](#) sa a pèmèt, pou nou site sa yo sèlman:

- Akizisyon akselere founiti netwayaj, dezenfektan pou men ak lòt resous esansyèl yo
- Pèmèt pwofesyonèl ki kalifye men ki pa doktè ak enfimyè fè tès yo
- Akizisyon akselere founiti pou tès ak ekipman yo
- Entegrasyon akselere anplwaye yo
- Lwe espas laboratwa yon fason akselere
- Pèmèt anplwaye EMS yo transpòte pasyan yo pou mete yo nan lye an karantèn yo ki pa jis lopital yo
- Bay yon baz klè pou abi nan pri yo ak ankèt lapolis

32 nouveau ka ki idantifye jodi a twouve yo nan Vil New York ak konte Westcheseter ak Saratoga. Nan total 76 moun nan Eta New York tès yo te pozitif pou viris la, repatisyon jewografik yo se konsa:

Westchester: 57

Vil New York: 11

Nassau: 4

Rockland: 2

Saratoga: 2

Anplis de sa, Divizyon Pwoteksyon Konsomatè a te kreye tou yon fòm plent konsomatè sou entènèt, kote Nouyòkè yo ka rapòte abi nan pri yo sispek yo oswa preyokipasyon sou livrezon kantite ki pa apwopriye. Konsomatè ki swete depoze yon plent ka ale sou <https://www.dos.ny.gov/consumerprotection/>.

Tout plent kredib yo pral refere bay biwo Pwokirè Jeneral Eta New York la.

Nan kontrandi yè a, Gouvènè cuomo te anonse konpayi asirans vwayaj ak ajans vwayaj yo pral ofri rezidan ak biznis yo nan New York kapasite pou achte kouvèti lè y ap fè plan vwayaj yo ki ap otorize yo anile yon vwayaj pou nenpòt rezon, ki gen ladan pou rezon ki gen rapò ak COVID-19 la.

Depatman Sèvis Finansye (Department of Financial Services, DFS) a [te pibliye konsèy](#) ki pèmèt ajans vwayaj yo ak konpayi asirans vwayaj yo ofri kalite kouvèti sa a apre DFS te resevwa plent konsomatè yo ke règleman sa yo pa te disponib nan Eta New York. Nouvo mezi sa a fèt pou rasire biznis ak rezidan New York yo ki ap chèche fè plan ki ka enplike vwayaje nan kote ki kounye a pa anba avètisman sou vwayaj akòz COVID-19 la.

Gen sis konpayi asirans mondal ak nasyonal ki dakò pou ofri kouvèti "anile pou nenpòt rezon" an pou vwayajè yo, enkli: Allianz, Nationwide, Starr Indemnity, Berkshire, Crum & Forster, ak Zurich.

DFS te mande emisè asirans vwayaj nan Eta New York yo pou jwenn rapidman moun ak biznis ki te achte règleman yo pou fè yo konnen kisa ki kouvri yo.

Li yon kopi [Lèt Oryantasyon pou Asirans DFS la.](#)

###

Lòt nouvèl disponib sou sitwèb [www.governor.ny.gov](http://www.governor.ny.gov)  
Eta New York | Chanm Egzekitif | [press.office@exec.ny.gov](mailto:press.office@exec.ny.gov) | 518.474.8418

[ANILE ENSKRIPSYON OU](#)